

# GLOSSA IN PSALTERIUM.

[*Glossa in primam partem periisse videtur.*]

## GLOSSA IN PSALTERII SECUNDAM ET TERTIAM PARTES.

PRÆFATIO HEBBERTI AD WILLELUM SENONENSEM  
ARCHIEPISCOPUM.

Cum liber Psalmorum unus sit et non plures, ipsum tamen praeter morem quidem sed non praeter causam, in duos secavimus tomos. Id ipsum etiam et in libro secimus epistolarum, quem, cum non nisi unus sit, parti sumus in duos, hoc facientes in libris quod in oneribus fieri solet. Ad continentum quippe et contrectandum habiliora et aptiora sunt singula, quam si simul omnia uno sint pressa volumine. Et etiam quia simul et saepe plus

A plurium poterit lectioni prodesse hujuscemodi in libris partialis divisio. Tu igitur, beatissime p[re]s[ep]t, sectiones has quatuor simul suscipe, divisim lege, et si forte ad transcribendas has librarii vestri posuerint manum, ut concordantiae et notiae et extravagantes suis decenter aptentur locis, curiosae obseruetur: ne, ut saepe fit, per librariorum imperitiam seu negligentiam opus emendare quam scribere sit difficultius, p[re]s[er]timum cum novi corripere operis non aliud quam frater sit destructoris.

# ALANI PRIORIS CANTUARIENSIS

POSTEA ABBATIS TEWKESBERIENSIS

## EPISTOLÆ.

### EPISTOLA PRIMA.

AD PHILIPPUM REGEM FRANCIE.

PHILIPPO, Dei gratia illustri Francoru[m] regi, cum aetatis incremento augmentum gloriæ et gratiæ apud Altissimum.

Piae recordationis Ludovici, patris vestri et nostri benefactoris, nec debemus nec volumus ullo unquam tempore esse immemores; sed magis ut tememur in nostro est volo et affectu, ut ejus beneficis et honori, quæ beato martyri Thomæ in suo exsilio, et post gloriosam ejus victoriam in propria persona Cantuarie exhibuit, possimus vel in aliquo respondere. Ipsius itaque animam, quod nunc licet, devotis proseguimur orationibus, ut qui, dum vixit, id apud Ecclesiam Cantuariensem plene promeruit, C jam sentiat ipsius martyris et suorum devotionem sibi prodesse, qui eidem martyri et suis in tribulationibus et angustiis existit tam devotus. In hoc etiam excellentiae vestrae sumus obligati, ut non minus pro vestra salute quam sua sinus solliciti. Nimirum vestram magnificentiam nobis, sicut et multis, ad profectum non solum coronæ et regni, sed etiam fidei et devotionis reliquit heredem, ut,

B sicut ipse præcessit in spiritu mansuetudinis ad dirigendos sibi subditos in viam pacis et tranquillitatis, ita et vestra serenitas ejus sequatur vestigia, superadjiciens, quod et ipse superadjecit, hoc ad coronam regiae dignitatis jure hereditario speciare præcipue, quod omnes afflicti, et maxime pro justitia exsulantes, ad se summum debeant habere refugium. In quo et nos indubitate spem concepiimus, si ea tamen necessitas nobis ingruerit, quod debeamus et nos in nostra parvitatem invenire apud clementiam vestram, quod majores nostri in eadem vel consimili casu dicuntur promeruisse. Cum vero regiae celsitudini vestrae placuerit super his nos certiores fieri, tunc denunt firmiores erimes ad id quod quidam minantur acerius, fortius profectum. Si vero sublimitatis vestrae rescriptum super his de gratia vestra ad nos reverteretur, in angustiis ipsis quibus urgemur non modicum, maximum nobis credimus et optamus conferri salutium.

### EPISTOLA II.

AD PRIOREM WINTONIE.

ALANUS prior Ecclesie Christi Cantuarie prior Wintonie, quam sibi salutem.

Mutuae societatis affectus, quo sub ipsa pauperitate sed tolerabili pridem suimus ad invicem conexi, nos pro certo docet qualiter sub ipsis hujus mundi deliciis et rerum affluentia debeamus conversari; dum patenter perpendi potest, si plenius id inquiratur, qualiter nobis illa rei familiaris Inopia tunc dederit notitiam de temporalium abundantia, cuius possessores credebamus plurimum felices, quos jam constat denudatae vanitate et discussa, vacuos esse et inanes. Quid tibi, amice, videtur, si praeteritas illas scholares angustias cum his quas nunc patimur compares anxietatibus? Nunquid amaritudinem illam amariorem dices isto melle, quod in ardore et aestu tribulationis dierum istorum nunc de spinis et tribulis elicimus? Tunc quidem aliquatenus suffecit diei malitia sua, nunc autem miseriarum cumulus, qui ex ipsa nascitur opulentia, suam ita demum aggravat acerbiam, quod etiam vita ipsa quandoque vertitur in taedium. Unde a sollicitudine et cura suffocati, cum temporum damno quae retrosum non habent recurrere, omnibus modis incurrimus salutis dispendium. Nec est aliquid in quo reperitur solatium sine graviori discrimine. Quacunque enim te verteris, occurrit salutis obstatum. His in me ipso repertis, anxietas animi motum mentis non sinit esse securum, donec aspiraverit dies quam datus est Dominus in utriusque nostrum consolationem, ut possimus revera pro nobis dicere quia *beati pauperes spiritu, quoniam ipsorum est regnum celorum.* (*Matth. v.*) Ex mea vero tuam tribulationem dimitior, et idecirco tibi sicut mihi ex cordis affectu hactenus haec aggressus sum loqui, votum et desiderium habens non modicum de statu domini episcopi et tuo pleniore habere notitiam, quia si quid penes conscientiam tuam movetur, unde debeat amicus tuus pro te moveri, id secundius mihi tanquam tibi committere poteris, quoniam tuum profectum sicut et meum omnino affectat anima mea. Valeat amicus meus et vivat in Christo.

## EPISTOLA III.

AD BALDWINUM ARCHIEPISCOPUM.

Reverendo Patri et domino B. Dei gratia Cant. archiepiscopo totius Angliae primati, A. prior et conventus Ecclesiae Christi Cant., debitam et devotam in Domino reverentiam.

Vobiscum quam plurimum congratulamur in Domino, cuius misericordia regiam excitavit excellitatem, ut prior fieret ad ea quae vestre novit placuisse voluntati. Oblata itaque, si placet, utendum est occasione, ne si omissa fuerit quae pre manibus est opportunitas, sera sit puenitentia, si alias id fieri non potuerit, cuius praesto est et presens facultas ad effectum. Roffensis igitur Ecclesia, si ad cor rediret, utique recognosceret in quibus offendit; nunc autem superest ut vestra discretio manum apponat, quatenus quod presumptum est in Cantuariensis Ecclesiae dispendium, in pristinum debiti honoris statum reformatum. In Cantuariensis Eccle-

A siæ capitulo ex antiqua consuetudine Roffensis Ecclesiae electio solet celebrari, ibique electus consuevit de manu archiepiscopi sui et spiritualia et temporalia recipere, fidelitatem proinde jurare, quod plene observatum est usque ad tempus Waleranni, et quod de eo secus actum fuit, eo redeunte a Normannia ubi et consecratus est, in melius est reformatum. In hujusmodi vero dignitatis signum Roffensis Ecclesia, obeunte pastore suo, baculum pastorale debet ad Ecclesiam Cantuariensem portare, et super altare Christi deponere. Ilunc autem baculum per subreptionem cum Walterio honore memorie quandam Roffensi episcopo conseptum, et inde per manum piæ recordationis Ricardi tunc temporis archiepiscopi extractum, monachi Roffenses denuo cum Waleranno episcopo sepelierunt. Quocirca paternitatem vestram rogamus attentius, ut vestra velit discretio his et aliis mentem apponere, et quæ presumpta sunt ita demum reformare, quatenus commissarum vobis oviuni universitas debeat et possit pariter nobiscum in operibus vestris Deum glorificare.

Sane de Landaviensi electo id adjicimus, quia primus est per vos consecrandus, hujus consecratio in ipsa sede celebrari, si fieri posset, gratum esset nobis et acceptum. Verum ubi necessitas ipsa inducit dispensationem, vestre erit discretionis id prospicere.

Porro super translatione beati martyris Thomæ et ejus termino, certius quid determinari oporteret, ut nationibus universis quae id desiderant possit innotescere, qualiter et quando ad gloriam illius solemnitatis valeant pervenire. Ad haec quia undique pulsamur et plurimis vexamur angustiis, precipiisque ad vestram paternitatem speramus nos habere refugium; idcirco priorem nostrum ad vestram benignitatem quantocius Deo auctore destinabimus, omnibus supplicantes, quatenus in his quae ipse ex sua parte et nostra vobis suggesterit, vestra velit pietas benigniorem aurem inclinare. Et pro certo, si in his temporibus sub vestra potestate cōgamur per quoscunque humiliari: his qui etiam bona sinistre solent interpretari dabitur apertior nobis insultandi occasio. Sed et qui capitl. nostro concessit contumelias nisi invenerit obviantem, a lœsione membrorum non desistet. Modicum quidem vos honorat qui nos spenit, nisi forte et in hoc crediderit se quis vobis præstare obsequium. Et procul dubio, ut credimus, reverentia vestra et honestati non modicum conferet, si manifestis appareat indiciis, quod injuria filii illata patri omnino displiceat. Valete.

## EPISTOLA IV.

AD HENRICUM REGEM.

HENRICO regi Anglorum, ALANUS prior Ecclesiae Christi Cantuarie, salutem.

Quanto desiderio nobiscum universus desiderat orbis, ut corpus beati martyris Thomæ decentiori loco cum debito honore collocetur, etiam barbaræ

nationes non ignorant. Præmatura vero mors quondam Patris nostri Ricardi id ipsum impedivit ad tempus, cum ad hoc pridem vestram promptiorem invenissemus voluntatem. Nunc autem per Dei gratiam parata sunt ea, quibus res ipsa videbatur maxime indigere: si tamen id sederit vestro beneplacito, ut sequenti anno (1) circa medium Maij tantum negotium possit terminari. Oportet enim ad ejus executionem plurima præparari. Nihilominus expedit his, qui longius absunt, hujus festivitatis tempus ita denuntiari, quod ad id, sicut desiderant, possint competentius pervenire. Placeat itaque serenitati vestra domino et Patri nostro Baldwino Cantuariensi archiepiscopo et nobis voluntatem vestram significare. Id namque exspectamus ut de consilio et auxilio vestro desiderium nostrum, imo omnium Christianorum, in hac parte possit compleri. Valete.

## PISTOLA V.

AD BENEDICTUM ABBATEM DE BURGO.

BENEDICTO abbati de Burgo, ALANUS prior Ecclesie Christi Cantuariensis, salutem.

Licet is qui præest ex hominibus assumptus sit a Domino in correctionem subditorum, nihilominus tamen cum aliorum errata corripit, habet sibi prospicere, quoniam et ipse circumdatus est infirmitate: et cum innotuerit ei quoniam et ipse cum cæteris infirmatur, pro certo in hoc admonetur aliorum compati infirmitati, cum ipsa poena docente, discat in propriis qualiter alienis debeat mederi vulneribus. Noluit itaque divina dispensatio infirmitatis expertem quemquam inveniri, ut in eo quod iofirmius præfertur infirmis nullus glorietur, sed in agis qui suo prægravatur pondere, in se humiliatus subditorum sarcinas ferventiori affectu studeat humiliter supportare, et dum errantem respicit, meminerit se ipsum quandoque errasse. Errans erravit ovis de grege vestro, et in deserto solitudinis perierat, sed inventa est, et revertitur ad ovile; aperite ei, si placet, ostium, ne amplius erret, et error ejus ei iniopotetur, qui noluit eam ab errore redeuntem recipere. Non excusat, sed fatetur se errasse; promittit emendationem, expostulat non judicium sed misericordiam. Date veniam et recreare dolentem: forte cecidit ut fortior resurgat,

(1) In margine codicis C.C.C. adnotatum est: « Sequens annus erat 1182: sed translatus non est usque ad annum Domini 1208 per Stephanum Langton. » In transcripto ejusdem codicis, quod fecit James, [Bodl. James 17, p. 134] habebatur adnotatio hæc: « Hic annus, inquit nota marginis, erat 1182, sed translatus non est usque ad annum Domini 1208, per Stephanum Langton. De festivitate autem ejus sic Giraldus in Vita Baldewini, ad quem etiam super translatione Thomæ scribunt iidem prior et conventus. Cum, inquit, festo Beati Thomæ primo quod apud Cantuarium publice celebratur fuerat, biennio videlicet post martyrium jam elapsò, cui et Deo dante intereram, multi barones regni illuc pia devotione confluxissent, in audiencia comuni, cum post prandium in cameram intrassent,

A et qui de se amplius quam oportuit confidebat docetur in se humiliari, ne amplius evagetur; et sic qui factus fuit indomitus et effrenis, dabit manum correctioni et fieri docibilis, quatenus ejus salut pastoralis sollicitudo debeat congratulari, cujus perditionem prius potuit et debuit deploare. Hæc ac instantiam et postulationem confratrum nostrorum, qui vestrum utique affectant honorem, ad vos maximus exarare, ut quali et pro quo in hac parte movemur affectu, barum tenore inspecto plenis innotescat. Et si bene meminimus, vestra bonitate docente didicimus, præsentium latoris excessum et recessum vestrae pietati omnino displicuisse. Valete.

## PISTOLA VI.

AD ROBERTUM DE HARDRES.

ALANUS prior Ecclesie Christi Cantuariensis, Roberto de Hardres, salutem et in futura sibi prospicere.

Eo usque divina et me et te extulit gratia, et in id ætatis jam devenimus, quod de cætero debemus, si sapimus, ei ubiores gratiarum actiones referre, qui utrumque nostrum, supra quam aliquis de genere nostro ausus est sperare, dignatus est provehere. Quocirca tenemur propensiō studio præcavere, ne ingratitudinis nota insigniti videanur saltim velle matrem nostram aliquatenus impugnare, a cuius uberibus coaluimus et tantum recipimus sub extrema ignominia et ultima paupertate consolationem, ut tot et tantis viris non merito nostro, sed gratia Dei id agente præferamur, quorum si ad genus vel vitam et conversationem respicias, nec digni erimus corrigiam calreamenti solvere. Si ergo eo admonente qui dedit affluenter finem cupiditati non imponimus, pro certo timendum est ne culpis exigentibus permittamur eatenus pervaegari, donec dicatur: *Ecce homo qui nō possit Deum adjuvare suum, sed speravit in multitudine divitiarum suarum et prevaluit in vanitate sua (Psal. L1), qui cum in honore esset non intellexit: idcirco conasperatus est jumentis insipientibus et similis factus est illis (Psal. XLVIII).* Memento insuper quia cum interieris, non sumes omnia, neque descendet tecum gloria tua. Vita nostra brevis est et ad instar puncti. Unde quod reliquum est si perdiderimus, quod Deus avertat, quis nobis in die illa et ætatis et temporis dama-

D conquestus est archiepiscopus de publicæ potestatis officialibus et ministris sibi et suis contra Ecclesie suæ dignitatem nimis præter solitum nuper injuriantibus, dicens et jurans se nullatenus hæc passarum, manum quoque ad caput extendens, se prius hoc gladiis exposituram, quam hoc patereur juremento firmavit. Respondens autem vir nobilis et magnanimus, qui cum aliis advenerat, Hugo de Laci. Non oportet, inquit, o archiepiscope, quod caput ad hoc vel etiam pedem ponatis; secure in vestrum tueri et ecclesiasticam justitiam exercere potestis: tantum operatus est Deus pro martyre sancto decessore vestro, quod non inveniret retribendum aliquem in terra sua, etiam si vellet, qui ausus esset in vos manum extendere. Finitum est bellum: manutene te si vultis, quod martyr exigit.

restituet? Ad hæc si veritati etiam niteretur que-  
rela quam proponis, et recenter posses probare tibi  
in hac parte debitum jus competere, citius eligeres,  
me tibi fideliter consulente, hujusmodi querebas ad  
tempus supersedere, quam tot sanctos quibus astri-  
ctus es fide et devotione molestare. Nunc autem oc-  
casione tantum rotulæ Wintoniæ possessionem  
nostram antiquam ad te niteris revocare: in quo  
procul dubio, quantum in te est, statum Anglicanæ  
Ecclesiæ exempli pernicie omnino subvertis, quia  
si omnia jura illius antiquitatis juxta rotulam illam  
debeat ad pristinum statum revocari, necesse erit  
munimenta, privilegia totius Anglicanæ Ecclesiæ a  
sua stabilitate turbari. Sane si nec devotione san-  
ctorum nec dilectione conventus nostri moveris,  
saltem id tibi in mentem subeat, ne occasione fa-  
miliaritatis tuæ suspectus habear, quasi de consensu  
meo id agas quod cœpisti. Id autem tibi certum sit,  
quia dum vitalis spiritus in me duraverit cor-  
pore, quantum in me erit, mater mea non amittet  
vel passum pedis de omnibus his possessionibus  
quas inveni eo tempore quo credita est mihi, quam  
gero, administratio, maxime ubi ipsa se potest de  
jure tueri et defendere. Et cum hactenus jura illius  
integra et illæsa servaverim, acriter insistam, ne  
vel te ipso auctore mater mea debeat in aliqua sui  
parte pati diminutionem. Valete.

## EPISTOLA VII.

## AD BENEDICTUM ABBATEM DE BURGO.

BENEDICTO abbati de Burgo, ALANUS prior Eccle-  
siæ Christi Cantuariensis, salutem et se ipsum.

Sicut vestræ plenius innotuit discretioni longe  
aliud est corripere, aliud deprimere. Et pro certo  
qui nimis emungit, ipsum aliquando elicit sanguinem:  
nec bene sibi consulti, qui ex impetu vel  
obstinacia damna multiplicat. Hoc tamen non dici-  
mus quod velimus enjusque errorem sovere, sed ne  
eum, cui tenemini ex debito naturæ et officii pro-  
spicere, immoderata castigatio debeat vel possit in  
ultimum desperationis vel erroris calculum detru-  
dere. Castigans denique castigat Dominus quem  
diligit, sed quem castigat, nunquid morti tradit vel  
errori deputat? Sane qui verbera patris habet ma-  
tris umeribus carere non debet. Et licet caro pro-  
pria nobis continuam indicat pugnam, nunquid pro-  
pterea potestis eam abjecere? Imo tenemini ei vel  
necessaria ministrare. Qui igitur de se hujusmodi  
non potest habere victoriam, non habet ultra mo-  
dum molestari super alieno excessu. Se ipsum enim  
habet exemplum qualiter debeat se habere circa  
proximum. Ad hæc frater utique vester, licet inconsu-  
tius hactenus egerit, tamen in hoc aliquatenus  
vestram debuit gratiam promeruisse, quod studio et  
disciplinæ cum familiari angustia diligentius vaca-  
vit, ne cum damnis rerum incurreret et damna  
temporum. Non ergo totam substantiam suam cum  
meretricibus dissipavit, qui non solum alteram, sed  
et multo meliorem partem sibi retinuit. Verum si  
permiseritis fratrem vestrum discurrere et usuras

A procurare, cum demum necessario oportebit eidem  
consulere, et damna rerum accrescent, et non mi-  
nentur damna temporum. Denique redditus quos  
habet citra auctoritatem vestram nemini poterit  
obligare: quia nemo crebet ei quidquam, et si id se-  
cerit compelleretur iterato mendicare. Sustinet igitur,  
si placet, vos vel semel vinci, ut idem frater  
vester, quia jam æstatem habet, ex abundantiori gra-  
tia vestra teneatur se ipsum vincere. Quid, cui et a  
quali amico dictum sit intelligenti satis innotescet.  
Valete.

## EPISTOLA VIII.

## AD EUDEM.

BENEDICTO abbati de Burgo, ALANUS prior Eccle-  
siæ Christi Cantuariensis, salutem et se ipsum.

B Ab incœptis non duximus subsistendum, licet desi-  
derio nostro, utinam non honori vestro, hactenus  
restiterit vestre dilectionis ut plerisque videtur mi-  
nus benigna severitas. Et pro certo, ubi id persuaserit  
mansueta discretio: ad tutelam non solum con-  
scientiæ, sed etiam famæ conservandæ plurimum  
detrahendum est severitati pro tempore, ne si curam  
domesticorum abjecerimus, quibus utique pro natu-  
ræ debito tenemur prospicere, videamus hominem  
exuisse et legibus naturæ quantum in nobisq; abrogare  
vigorem. De his autem qui suorum et maxime do-  
mesticorum curam non habent, quæ sit Apostoli sen-  
tentia vos nec potest nec debet latere. Alias hæc  
scripsimus, sed eo usque non exauditi, quod non pro-  
meruimus inde vel responsum recipere, unde satius  
nobis esset subsistere pro rubore. Sed procul dubio  
ipsum ruborem vicit affectio, qua astringimur vobis  
et vestris contra omnem fortunam assistere, ne per  
nos videatur stetisse quo minus paternitati vestre  
debitus honor ubique integer permaneat. Denique  
vester sed et noster in Christo frater Ricardus in  
mærore et angustia affligit animam suam, nec in se  
vel modicam recipit consolationem, fatetur errorem,  
promittit correctionem, inclinat se et suam ad  
vestram voluntatem. Desideratis eum monachari,  
acquiescit ipse, tantummodo de loco non sit con-  
tentio. Cantuariensem Ecclesiam sibi eligit in locum  
habitationis et requiem, quantum ad nos pertinet,  
patet ingressus. Superest igitur, quia sic expedit,  
ut per vos domini archiepiscopi requiratur assensus,  
familiares et amicos vestros in ecclesia nostra con-  
veniatis, si placet, ut nos quasi ignaros inde sollici-  
tent, et nos partes nostras interponemus, ut res  
sortiantur effectum. Revertatur etiam præsentium  
lator cum litteris vestram voluntatem continentibus  
ante synodum nostram, ut per vos instruamur et  
amici vestri qualiter debeat res ipsa procedere. Ve-  
rum tamen si visum vobis fuerit, per idoneum uniu-  
erum ex parte vestra expediret hæc fieri: vel quod  
magis affectamus per vestram personam, si hujus  
rei gratia seu ut visitetis dominum archiepiscopum  
placet vobis ad nos usque descendere, et hoc ipsum  
credimus, si fieri posset et vobis et nobis utiliter  
profuturu. Quo affectu, qua intentione hæc agi-

mus qui inspecto<sup>r</sup> est cordium ipse novit. Valeat in Christo vestra mibi prædilecta paternitas.

## EPISTOLA IX.

JOANNIS PRIORIS S. SWITHINI WINTON. AD ALANUM.

Domino et amico in Christo, charissimo ALANO Cantuariensi priori venerabili, suus JOANNES Ecclesie Sancti Swithini Wintonie dictus prior, salutem in omnium salutari.

Ad litteras consolationis vestrae revisit spiritus meus, et ex iis mihi duplex eliciens remedium dilectioni vestrae gratias retuli. Ex earum procul dubio sinceritate duo mihi humilitatis ac patientiae promanarunt documenta. Quorum unum ad custodiā, alterum ad virtutis ornatum mihi vestri gratiam procurastis: unum a superbo Moab declinandum, alterum percussum Job induendum communiuit. Præcipuum, ut aestimo, humilitatis mercamentum est præteritæ paupertatis reminisci: quod etiam inter ipsas delicias laudem præcinit earum largitori; cuius tam extollenda quam admiranda est dispensatio. Nihil enim præsentium numerum tam efficit ingratum quam conditionem sui non agnoscerē, præteriorum obliisci. Nihil interea adeo mentem roborat quam in hujus vitæ procellis amplecti patientiam; quam non imminero<sup>r</sup> prolem humilitatis nominaverim. Et ipsa quidem optima genitricis partus non deterior. Ad istarum itaque considerationem virtutum amicum provocasti, pigrum suscitasti, de communi non tam sollicitus quam perturbatus naufragio. Quidquid animo turbulentum inseparat, quidquid desperationis præcipitum minitaverat, sic aura consolationis vestrae funditus abegit ut mihi videretur aspirasse dies et umbra declinasse. Quid certe serenius verborum sinceritate? Quid efficacius dilecti et domini consolatione? Quid jucundius in adversorum torculari posito, quam a doloris compendio aeternitatis repromissio? Itaque non sunt condignæ passiones hujus temporis ad futuram gloriam quæ revelabitur in his qui secundum propositum vocati sunt sancti, ut ait Apostolus (Rom. viii): nullatenus igitur murmurandum si secat aut urat Dominus, quia sive morimur sive vivimus Domini sumus, per quem omnia nobis cooperantur in bonum. Tantum fides non dormiat, sustinētia non deficiat. Memoria sanctorum in cordibus vestris vigeat. Ad quorum nimirum exempla caro cum suis desideriis, mundus cum suis illecebris calcantur. Denique quidquid ingeritur eliditur. Et si sint qui Sabbathum vestrum inquietent, impossibile tamen est ut exturbent; et hoc quidem salubriter provisum ut nunquam desit pugnandi materia; quibus restat evincētibus corona. Stenus igitur simul in Domino mutuam observantes charitatem, malitiam dierum istorum patienter tolerantes. Transcant dies et dies, anni et anni.

....dabit Deus his quoque finem.

Certe quod honoris mihi est oneri est, non tamen abiciendum credo: cum melior dicatur vir malefaciens quam mulier domi sedens et nens, et in

A paucō fidelem servum super multa legimus constitutendum. Obedientiam igitur prælatis, subditis simulatum exhibentes; pacem cum omnibus habentes. studeamus insimul, domine charissime, cordis Sabbathum observare, culices undecunque venientes, discretionis flagello propellere, et crebris, si placet, epularum consolationibus alterutrum confortare. Salutatus ex parte vestra dominus meus Wintoniensis vos per me ut suum dilectissimum resolutat, quem noveritis auctore Deo quoad salutem animæ et corporis melioratum et confortatum; et in summo positum desiderio, beati Thomæ martyris vestri adcondi memoriam. Valete semper in Domino.

## EPISTOLA X.

ALANI AD ASINUM DE BURGO.

ASINO illi Sancti Petri de Burgo, suus ille sibi in agone consimilis, salutem in tribus rasořis, hoc est in patientia, discretione et charitate, quibus radi oportet et eradicari non solum superflua, sed etiam quæ imminent omnino aduersa.

O beate Asine, si tamen sub Petri indumento, id est mentis puritate et operis exhibitione, ad crucem ignominiam in corpore tuo Christum portaveris, ubi sub vexillo fidei parum tibi nocere poterit Nerois humanitas. Insurgat scilicet ad tempus invidorum malitia et perversitatis procella altius intumescat. Navicula Petri concutitur, sed etiam portæ inferi non prævalent adversus eam; multo minus Nerois audacia, etsi innovaretur cum eo Herodis versutia. Liquet itaque quod usque ad hæc tempora dessinavit et Judas proditorem Pilatus judicem, sed ei Nero malignitatis hæredem, ita quod nunc etiam iterato postuletur Christus crucifigi, ut dimittantur qui rei sunt seditionis et homicidii. Simon ille:

....ad huc magicas sub Nerone edocet artes.

Sunt et qui sequuntur ejus doctrinam, nec tamen Petrus asinam synagogæ vel pullum gentilium timide reliquit, sed cum suis instat fortius, ne vel sub gladio pereat libertas spiritus qui diffunditur in cordibus nostris. Igitur ut expeditius in stadio currens citius et certius apprehendas et bravium, ne vacula patientiae rade penitus inconsultos animi cœlores, in virga directionis sub examine pendeat et præ-

D pondera quid juris rigor dicet, quid suadeat æquitas, quid inducat iniquitas. Dirime et dirumpe impietatis fasciculos; quo magis plana per te via pregrediatur ipsa justitia, cuius acumine peracuto possit radere si quid æruginis conscientiæ intrusus adhæserit, seu deforis in ambiguis quid contigerit discutiendum. Ferventiori vero charitatis affectu sicuti inveneris odium vel invidiam, zelum et contentionem, protinus id ipsum erue et longius prejice: quatenus inveniaris paratus ad onera triuicis, si quando de asino dominus opus habuerit, ut cum eductus fueris e vinculis et castello tribulationis quo detineris, animam tuam asinam subjugalem ad vitam ligans et pullum suum carnem indomitam ad vincam, laves cum Christo in vino stolam tuam,

et in sanguine uvæ pallium tuum. Tibi itaque asino A onus et virga, ut si te pescis sub onere te excite virga comminationis. Ne æmuleris pigritiam asini sed mansuetudinem, quia non nisi in mansueto sedet ille mansuetus. O quam leve jugum et onus suave quod oneratum exonerat, depresso sublevat; tristitiam mutat et vertit in gaudium, quod nemo tollit! Libenter igitur ad horam sustine insipientes, quibus ad purgationem eorum qui haereditatem capient filiorum Dei permissa est potestas tenebrarum, ut ambulent in circuitu non habentes requiem; donec lætatus fuerit justus, cum viderit vindictam et laverit manus suas in sanguine peccatorum. Eia, bone asine, confortare et esto robustus et noli ponere firmamentum tuum formidinem, ne timeas a facie eorum qui exultant in rebus pessimis, quorum gaudium quasi nebula, et ad instar puncti descendunt ad inferos. Vir insipiens non agnoscat, et stultus non intelliget hæc. Veruntamen cum exorti fuerint peccatores et apparuerint sicut senum ut intereant in sæculum sæculi, tunc demum eructabit cor justi verbum bonum, quia si utique est fructus justo, utique est Deus judicans eos in terra. Interim expedit sub silentio expectare salutare Dei et ambulare simpliciter in semitis justitiae, quia vir ingrediens duas vias non habebit requietum. Idcirco pone super Dominum curam tuam et ipse te enutriet, nec cum occideris, collideris, dum ipse supposuerit manum suam. Ne graveris ergo sub onere tibi imposito, dum ambulaveris in semita recta, quia in æternum non dabit Dominus fluctuationem justo. Rade itaque mordaces mortaliū curas cum earum matre ambitione vel avaritia, et ne dederis locum tineæ vel ærugini in arca conscientiae tuæ, et parum pertinuescas ne fures fodiant vel furentur depositum tibi repositæ coronæ, quia non accedet ad te malum, cum apud Altissimum fuerit refugium tuum. Hæc tecum loquere et ad hæc te ipsum exhortare in Christo Jesu, quo auctore et teste in patientia tua possidebis animam tuam. Amen. Denique suggestionem istam non tam ad doctrinam quam ad utriusque nostrum consolationem spectare credideris, cum eas, quas de utriusque nostrum sorte intus patior animi angustias, unico amico communieans vel ex parte possim securius eructare, ne si suppressa sauce ab hujusmodi amaritudine amplius intumescat, dirumpantur ab his quibus conglutinatus est venter meus. Idcirco tibi singulari amicus ego tuus ut credo singularis amicus singulariter sum locutus, ne videar de uno inter tot millia vix invento vero amico plures confingere, secundum quod adulatrix lingua consuevit ad quemvis unum cuius velit sibi favorem alicere, non simplicem sed pluralem sermonem dirigere. Valete!

## EPISTOLA XI.

AD JOANNEM ARCHIEPISCOPUM LUGDUNENSEM.

JOANNI Dei gratia Lugdunensi archiepiscopo,  
ALANUS prior Cant. Eccl., salutem.

B Inter eos quos adhuc superstites filios enutrit et exaltavit, Lugdunensem archiepiscopum præcipuum habet et reputat mater Britanniarum sancta Cantuariensis Ecclesia. In suis quidem angustiis et perturbationibus, quibus continue affligi compellitur, hujus filii toties experta fidem, devotionem et efficiacem industriam, de cætero habet certiorari talem et tantum filium inmemorem esse non posse illius dulcedinis quam a maternis diutius suxit uberibus, inter quæ etiam a cunis coaluit. Absit igitur, absit a fide et devotione tanti alumni, qui se toties certis objecit periculis pro defensione matris suæ, ut vel suspicetur de eo quod velit partem ponere cum his, qui ipsa a quibus egressi sunt materna perturbant viscera, præcipue ubi id permodica suadet occasio, quod etsi quoquo modo licuerit minus tamen expedit, omnino autem non decet. Quamvis enim is apud quem summa rerum consistit, quasi licite auctoritate qua præminent sub titulo adhuc ignoto et a canonum forma aliquatenus alieno possit non solum assignare, sed potius transferre beneficium Cantuariensis Ecclesiæ ad episcopum alienæ provinciæ et minus egentem, id tamen viderit benigna filii discretio, utrum expedit in matris confusionem ecclesiam de Einisford tanto tempore injuste ablataam et demum non sine multo labore et angustia mediante justitia evictam, a debito sui statu perturbari. Quam utique ecclesiam mater vestra monachorum deliciis non applicuit, sed usibus pauperum pio deputavit affectu. In subversione itaque pauperum Christi C quos ipsa suscepit alendos, si contigerit matrem filii improbitate, quod Deus avertat, acerbius molestari, ex hujusmodi arboris radice qualis poterit fructus exoriri, perpendet citius si advertere voluerit discreta filii devotio, cum ea sola proponitur causa, quare debeant pauperes Christi spoliari, quatenus præpotens filius matrem pertransiens, cum id evenierit, quod vix semel in ista ætate poterit contingere, proprium habeat domicilium, ubi forte non plus una nocte seorsim a matre caput inclinet. Et certe pia mater vestra nondum eonque vestram dilectionem emancipatam habet. Quod nec velit nec debeat eam quam admodum charam habet et acceptam, vestri reverentiam in paratiore materni pectoris sinus recipere, cum suum sit votum et desiderium diem illum videre, quo vestri præsentia perfruens et consilio possit ab his quibus arctatur angustiis aliquatenus respirare. Sane opinionem vestram quid deceat non minus inspiciendum, cum id quod vir tantæ auctoritatis posteris in exemplum reliquerit, de jure debeat ad consimilia vires resumere. Utrum vero deceat Lugdunensem archiepiscopum Cantuariensis Ecclesiæ filium et alumnum pro tantillo beneficio et tali titulo vel intentione acquirendo, seu matri suæ seu Christi pauperibus et infirmis hujusmodi molestiam inferre, id videat et provideat vestre sanctitatis prudentia, cuius interest et suam apud Deum conscientiam et apud homines famam conservare illæsam. Plane nec

id ignoramus sed plenius recognoscimus, quia et A vobis et vestris meritibus exigentibus constituimur debitores. Et licet haec que ad præsens inter nos agitatur quæstio abierit in abyssum, non minus tamen tenemur his adesse quibus et vos tenemini, vel debito naturæ vel gratia obsequii. Idcirco ut in aliquo et affectui et operi vestro respondeamus, in proposito habemus alicui de vestris sicut vobis placuerit, dare annuatim de thesauraria nostra centum solidos, donec eidem in æque valens vel amplius alias possimus providere. Quid autem super hic vobis placuerit fieri, nobis significate.

## EPISTOLA XII.

AD EUDENM.

JOANNI Lugdunensi archiepiscopo, A. prior Cantuariensis Ecclesiæ, salutem.

Si charissima mihi est vestræ sanctitatis reverentia, id agitur apud me in quo debitor sum vobis obligatus, qui pro ea quæ in vobis est sanctitate et gratia communiter cum cæteris, specialiter autem pro liberalitate illa quam apud vos egens et extra-neus non modicam inveni, teneor pro viribus honori vestro debitum et devolutum pfæstare obsequium. In quo quidem magis sollicitor si quo modo daretur opportunitas, ut juxta illum quem gero affectum possim benignitati vestræ vel in aliquo respondere. Si quo minus autem id videatur factum quoad ecclesiam de Einesford, ignoscat filio si placet paternitas vestra, si tamen in hac parte debeat de jure argui negligentiae, qui unus et solus sum inter multos, quorum sicut voluntas varia est et diversa, ita et sententia, maxime ubi juri et rationi videtur ini nisi quod intendunt. Loquor intelligenti quid sit multorum moribus deseruire. Quid prætendunt quominus fieri debeat quod per vos ab iis repetitur, conventus nostri litterarum tenore inspecto, facilius poterit perpendi. Si vero parvitatibus meæ consiliura acceptaverit vestra prudentia, cum seniori dixerim conscientia, satius esse et honestius aut eo modo qui vobis significatur, aut alio probatori si inveniri poterit cum conventu nostro pacifice convenire, quam populo scandalum generari et matrem vestram plus quam creditur contristari. Insuper si verbis domini regis Angliae creditur, in vita sua non sustinebit quod Lugdunensis archiepiscopus ecclesiam de Einesford quoquo modo possideat. Provideat igitur, si placet, discretio vestra, qualiter res ipsa planius et melius ad debitum possit finem pertin gere, et quantum in me erit, nulla executionis crit retractatio. Valete.

## EPISTOLA XIII.

AD MAGISTRUM G. CARDINALEM

Magistro G. cardinali, A. prior Ecclesiæ Christi Cant., salutem.

Quam nobis admodum utilem et necessariam in curia Romana consuevimus habere vestram dilectionem, in tribulationibus et angustiis quibus urge mur non modicum doluimus et dolemus nimis esse remotam. Et licet locorum distantia separemur ab invicem, animi tamen nostri affectus quo individue vestræ adhæremus reverentia, a vobis nullatenus potest separari. Sane pro nepote vestro in partibus nostris quoad potuimus fecimus, inde magis antii quod in causa sua juxta quod desideravimus, non est magis profectum. Quoniam excepta etiam ea affectione qua vobis astringimur, idem ipse suo nomine promeruit et in dies promeretur, ut qui viderit ejus vitam et conversationem, debeat affectuosas ejus profectibus invigilare. Placeat ergo paternitali vestræ ipsum clementiori oculo respicere, quatenus in stadio quo in agone contendit possit expeditius currere et ad ejus cui addictus est discipline proiectum debeat alacriori animo pervenire. Quantum vero in nobis erit et opportunitas data fuerit, ejus necessitatibus propensiorem curam inpendemus.

## EPISTOLA XIV.

AD CANTUARIENSEM ARCHIEPISCOPUM.

Domino Cantuariensi, suus A., salutem.

Iunotuit nobis vestræ placuisse paternitati talem in cellararii officium subrogari, in quem omnium nostrum vota communiter concurriscent. Unde, sicut tenemur, ita et affectuose vestræ bonitati ubiores proinde agimus gratiarum actiones. Vestra itaque si placet innotescat benignitati quod nostra communis est postulatio, ut frater Honorius vobis utique ex sua conversatione interim notes hujus officii in se pondus suscipiat. Hujus siquidem prædentiam et fidelitatem et in confratres suos compassionem aliquatenus experti scimus, de cujus benevolentia quoad officium illud non modicum speramus. Et licet ejus obsequio sine molestia ad præsentem non possitis carere, experimento tamen didicimus vestram prudentialiam plus velle publicæ quam privatæ consulere utilitati. Quocirca eum confidemus reponscimus, id tamen adjicientes ut si in hac parte aliquatenus moleste fuerimus de eo substituendo qui huic debeat succedere, voluntati vestræ, sicut placuerit, ita fieri. Præsentium igitur latorem dilectum in Christo fratrem nostrum R. eleemosynarum in id negotii duximus destinandum, et ejus præsentia sub litterarum nostrarum testimonio apud vos impetrat, quod vestra intentis communiter postulare ad communem utilitatem propensius stadiuit. Valete.

Hucusque dedi omnia quæ in codice C. C. C. Latab. inveniuntur, octodecim paginis comprehensa. Utrumplura olim fuerint folia in isto codice quibus ab epistola Alani continerentur, difficile est dictu.

## ALANI VITA S. THOMÆ.

(Vide supra col. 194.)